





Nootelijckē

CONSIDERATIEN

die alle goede Liefhebbers des Vla-

**derlandts behoozen rijpelijk te overweghen opten
voorzgheslaghen Tractate van Peys met den Spains
giaerden.**

Sal. Proverb. 14, 16.

Een vvijs man vreesst hem ende vermijdt het quade:

daerenteghen een sot vacrt coenlijcken

henen door.



M. D. LXXXVII.

CONSIDERATIE

die alle goetde en alle onrecht
 in ons lande te overwinnen
 en ons land te behouden.

Beminde liefhebber des Vaderlands.

A Enmerckende t'perijckel daer inne de bedeckte, listige, facteurs der Spaengiaerden den staet deser Landen pooghen te brenghen door de valscheyt van hare ghesuyckerde redenen vanden Vrede, daermede sy de ghemeynte pooghen te trecken, tot eenen gantsch anderen eynde, dan sy vterlijcken voortstellen: Ende beduchtende dat vvel eenighe vroomme luyden daer door souden moghen vvorden teghen hare meyninghe misleyt: Soo heeft my goetghedocht tot dienste mijns Vaderlands by desen eenen yegelijcken voor ooghen te stellen, in vvat ghelegentheyte onse saken met den Spaengiaert zijn staende, haer voornemen teghens ons, ende vvat middelen sy dencken te ghebruycken omme daer toe (t'vvelck Godt verhoede) te comen: midtsgaders oock de middelen daermede vvy ons daer teghen behooren te vvapen en t'onser behoudenisse.

TITVS LIVIVS seyt seer vvijselijck, *Das r'versekerste*
middel omsich teghen zijne vyanden te behouden, is het mis-
trouwen.

Elcke sententie hoe wel seker ende kennelijck is/soo
wordt nochtans de selue by veelen niet nae behooren geacht/
dooz dien men verstaet dat het mistrouwen alieenlijck wt de
vpandtschap is spruytēde/ ende sonder de selue niet bestaen.
denochthans so wordt beuonden dat alle Tyrannen meer hebben wt-
ghericht met practijcken hare partye van misvertrouwen ontbloo-
tende/ dan sy opt met eenich ghewelt van wapenen souden hebben
connen te weghe brengen. Welcke slechticheyt insonderheyt altydt
den ghenen den meesten afbreck heeft ghedaen / die met haer ouer-
hoofte te doen hebben ghehad / ende schijnt te spruyten wt dese sotte/
onredelijcke redene / dat t'meestendeel der menschen niet satticheyt
vande aenghenomen sake/ende verminderinghe haerder macht/woz-
den flaughertich/ saecht ende slap van ghemoede/ al oft sy meuden dat
hare teghenpartije van ghelijcken dede / ende daer dooz zijn sy hensel-
uen kittelende met een ghenuchlijck ghedachte/ dat de sake te beter te
acorderen soude zijn/om dat zijne hefticheyt minder is/in allen schij-
ne oft des vpandts voordeel vermeerderende zijne vpandtschap soo
veele als uwen moet met uwen teghenspoet soude vermindereu / ende
van een dootvpandte v'vriendt soude connen worden: Daer nochtans
ter contrarien zijnen lust tot v'bloet / ende om ouer v'gheweldelijck te
heerschen/ niet zijnen voorspoet altyt meer is vermeerderende. Waer
wt volcht dat de ghene die de minste van machte / sich daerenbouen
noch ontblootende van t'nootelijck misvertrouwen (twelck hem vooz
zijne beste wapenen behoort te dienen) by sich seluen oock dooz cleyn-
herticheyt ghewillichlijc begeeft in zijne wtersterupne/ daer hy noch-
tans hem vercloeckende ende ghebypckende zijne vesterende midde-
len/hem noch soude hebben connen houden staende / ende verwachten
de veranderinghe der saken / die den tijt naer ghewoonte tot zijnder
verschooninghe soude moghen medebrengen.

Waer van hoe wel gheduerende den staet der Romeynē ontallijcke
exempelen zijn gheuallen / die tselfde volcomelijck bewijzen / Soo sal
ick nochtans ny daer van onthouden/ouermidts veele het bewijs der
seluer(dooz de verscheydenheyt die inde ghelegenthedē der saken ver-
moeydt wordt) niet so seker achten/ende oock niet so veelen kennelijck
zijn: Waer sal alleenlijck hier verhalen de kennelijckste exempelen die
by ons leuen den ghenen/ die de selue sake / die wy verdedigen / by den
handen hebben ghenomen/ zijn wederuaren.

De Duytsche Princen hebben sich wt oorsake voorsz.dooz eene vic-
torie/ die den Keyser opten Hertoghe van Saxon vercrech daer inne
hy ghe-

by gheuanghen werdt / soo cleyn gheacht / dat splieden ende insonder-
heyt den Landtgraue van Hessen / hun begheuen hebben int accordt /
ofte veel eer int belieuen vanden Keyser . Daer nochtans des Landt-
grauens ende zijnder andere bondtghenooten middelen noch by nae
waren in haer gheheel / ende genouchsame (indien den moet ende mis-
trouwen hen niet en hadde ontbroken) om in wepnich daghen den
Keyser wederom haer leggher booz thoost te brengen / ende met goede
boozsichticheyt / cloeckheyt ende behendicheyt volherdende in haer
booznemen / niet alleen sich te beschermen / maer oock om den Keyser
met goede occasien zyn booznemen te beletten . Sulcx dat sy meer booz
haer verbaestheyt ende ghebzeck vande kennisse der perijckelen daer
in sy sich begauen / zyn verwonnen / dan door haer gheleden schade / die
den Keyser niet meer dan soo veel dooden soude hebben doen veroue-
ren / die d'andere oock souden hebben moghen deruen / indien sy den
moet hadden behouden ende hen ghewacht van haren vbandt te
betrouwen .

Welck henlieden in sulcken deerlijcken staet hadde ghebrocht / dat
sy haer leuen ende staet hadden verlooren / ten ware Hertoghe Mau-
ritz van Saren (grootvader des doozluchtighen Graue Mauritz van
Nassau) ende zyne bondtghenoten hen gheluckelyck hadden verlost .

Die vande Religie in Brancryck / waren nae soo veel bloedighe
stryden onuerwonnelyck beuonden / indien sy soo wel met mistrouwen
als met gheweer van oorloghe ghewapent waren gheweest en hen in
den Jare LXXXIII. niet so verre met schoone woorden vanden trou-
loosen Coninck Caerle de ix. hadden laten misleypden / dat sy en voorts
alle die vande Religie door t'gansche landt hen begeuede in zynen han-
den om wreedelyck vermoozt te worden / daer van t'getal der dooden
in wepnich daghen ouer de hondert dupsent groot is gheweest . Daer
nochtans den Heere Admirael ende andere niet en hadden behoort te
vergoten / hoe diep inde herten haerder vbanden gewortelt was de be-
geerte om hen te wreken / ende oock te ghelooouen de goede waerschu-
winghe die henlieden te boozen daer van werden ghedaen .

Wt dese dolingen ghepleecht by de Protestanten van Duytschlandt
ende Brancryck cannen bemercken dat hare faute daer inne is ghe-
legghen gheweest . Dat sy hen hebbe laten wijsmaken / de verminderin-
ghe vande bitterheyt haerden vbanden / door schijn elen van versker-
heyt . Ende dat sy daer door zyn gheuallen inde wterste miserien / ten
tyden als sy goede macht hadden om sich te verskeren door hare
wapenen .

Indien wy nu ter contrarien willen bemercken de verskerheyt die
t' misuertrouwen is gheuende . Sullen wy beuinden dat oock de gene
die inde meeste teghenspoet waren gheuallen / sulcx dat sy opt wterste
schenen ghecommen te wesen / tot hare verlossinghe zyn ghecommen /
Indien

Indien sy door eenighe schoone woorden sich niet en hebben laten be-
weghen/om haren vpandt te achten anders dan hy is.

Want die van Maechdenburch/soo verre ghecommen zijnde dat sy
geen andere hope en hadden dan op den eenighen Vertrooter der ver-
druckten / Zijn alleene door hare stantuaasticheyt int betrouwen op
Godt/ende mistrouten van haren vpandt behouden/tot eeuwige eere
ende exempele van anderen : Ende de wapenen tot haren moort ghe-
schickt/zyn ghekeert teghen haer vpanden tot hare verlossinghe.

Die van Rochelle siende door de moort alle gheloof soo schandelijc-
ken ghebroken / hebben besloten in stantuaaste lijdtzaamheyt alles te
berwachten dat Godt ghelieuen soude te ordonneren van haer lijf en
goet. Ende gheleden hebbende een soo swaeren belech / ende wederstaen
hebbende soo veel ghewelts als opt Stadt by onsen tijden/zijn ten le-
sten bukten hope wonderbaerlycken verlost.

Maer inne seer te verwonderen is / dat die van Rochelle zijnde in de
meeste periculē/ende de Heere van Monsgommerp (die alle de moort
was outgaen) commende met eenige schepen omme hen ter Zee te ont-
setten/soo moedich zijn gheweest dat sy hem ontboden/ dewyle de sake
van t'onset door die tijdt periculē soude zyn / dat hy hem als doen in
geen perijckel soude begeuen/maer beter gelegentheyt verwachtē/ dat
sy wel gheresolueert waren hen mette ghenade des Heeren te defende-
ren / ende alle nae den anderen eer te steruen dan te vallen in handen
haerlieder trowloose vpanden.

Welcke wesende saken by onsen tijden gebeurt / ende daer aen niet
en valt te twijfelen / Soo ist dat ick alhier beroepe dese newswijzighe
wyse/ die door hare menschelijcke boozsichticheyt (in clepnachtinghe
van t'belept Godts) alle toecommende dinghen willen ijcken nae de
mate haerlieder eyghen boozsichticheyt: Niet dat ick hen toelate dat
men andersints t'schip metten stroom soudē moeten laten drijuen/
sonder opt roer ofte compass te lettē/maer segge dat de wille des Hee-
ren van ons te verlossen/verbozgen zijnde / wy daer inne niet so verre
behooren te treden / dat wy ons soudē laten boozstaen die aen onsen
neuse ghebonden te zyn / maer dat wy ghehouden zyn alle wettighe
middelen t'onser defensie te ghebruycken / verwachtende met lijdt-
zaamheyt zijne Godtlycke hulpe/ Sonder ons ende alle onse naecome-
lingen door onlijdtzaamheyt te verhanghen in verachtinge onser goe-
der sake/ ende van de almogentheyt des Heeren/of ons te begeuē door
den tijdt inde wterste ellende / die het tegenspoedichste eynde der booz-
loghe ons soude moghen bybrengen.

Dies niet te min/wedercommende tot ons eerste booznemen / om
te belieuen den genen die sich lieuer op waerschyjnlycke redenen / dan
opte

opte schickinghe Gods vertrouwen / Soo can wt de voorszeyde twee-
derlepe exempelen lichtelijck bemerckt wordē / hoe onwiffelijck d'eene
henseluen hebben verwozpen / verlatende de middelen haerder noot-
lijcke ende ghelegene defensie / Ende hoe wiffelijck d'andere sich heb-
ben begheuen tot een stantvastighe resolutie met goede redenen / mis-
trouwende van t'gheloooue ende schoone beloften haerder vanden/
d'eene vooz ooghen hebbende de schalcke ontrouwichept ghepleecht
teghen den persoon vande Landtgraue / ende d'andere het vergoten
bloet vande verraderlijcke moort.

Eynelijck waerment wil keeren ofte weynden / men heeft t'allen tij-
den beuonden (sonder dat opt anders is ghesien) men sal altydt beuin-
den dat sy in haer sotte ghedachten hen grootelijcx hebben misreken-
die sich hebben laten voozstaen dat eenen Coninck ofte Prince teghen
zijne ondersaten (die de wapenen wt eenighe oozsake / hoe rechtueer-
dich die oock mochte wesen eens teghens hem hadde ghenomen) sou-
de laten onghewreeken het leet by hem ontfanghen dooz ontsicht van
eenich recht / redene / eere ofte eedt. Want dese dinghen en hebben noyt
so vele plaetse in hare herten ghehad / dat sy de wzaeckigierichept (soo
diep daer inne ghewortelt zijnde) souden hebben connen bedwinghen /
Maer houden vooz haren regel / dat om te regneren het gheloof mach
worden ghebozen / Ende sy haer ondersaten so wel mogen verleyden
met schoone beloften ende ceden / als de moeders hare kinderen met
appelen ende peren.

Ende of wy al meynden dat den Coninck van Spaegnien daer inne
conscientieuser ware / dan eenighe andere die opt zyn gheweest / ende
dat hy niet van ghelijcken teghens ons en ware vrandende met een
heftighe begeerte van de alderwzeetste wzaake die opt is gheschiet / So
conden wy nochtans wel ter contrarien bemerckē wt de kennisse van
zijne nature / actien / ende vanden staet die hy ghebruyckt / die dooz de
gantche werelt bekennt zyn / als onder andere / dat soo dickwils als in
zijne teghenwoordichept vermaendt is gheweest van eenen Don Pedro
ghenaemt de Wzeede / als met rechte ghehouden vooz de wzeetste
Tyran die opt leefde / heeft den ghenen die hem sulcx noemden altydt
berispt / segghende datmen hem behoorde te noemen / Don Pedro den Ghe-
rechtighen. Ontwiffelijck sulcx sustinerende om selfs alsulcken Titel
te ontgaen / die hem met rechte toecompt / als de ghene die de Interste
Wzeedtheit dooz zijne Inquisitie is exercerende / ende oock zijne Sone
wzeedelijck heeft gedoot onder t'pzetext vā de minste ongehoorsaem-
heyt / ende zijne Hupsvrouw om te bezyen zyn ghenegentheyt totten
ouer spele.

Indien men hem beter wil kennen / soo bemerckt den staet die hy
heeft ghebruyckt / ende die ghy hebt ghesten: Want der Princen herten
ongrondelijck zijnde / so en canmen die niet bekennen dan dooz de gene
die sy ghebruycken / die hen altydt ghelijck zyn. Den Hertoghe van
Alua /

Alua/Wargas/Ghoda/den grooten Commandeur Don Louys/Don
Jan/zijnen Secretaris Escouedo/den Cardinael Granvelle/ende an-
dere/die hy opt in dese landen heeft ghebruyckt / zyn sy niet alle seer
sonderlinghe gheweest in wreedtheit/onbarmherticheit/hartneckic-
heyt/sonder conscientie/recht/eere/gheloof/ia oock verbzeempt van
alle menschelijckheyt/ghenuchelijcker achtende/te sien de springende
bloetaderen vande genen die sy hare vanden achten/dan opt Landt-
man te sien den regen/hy nae te lange verwacht/tot behoudnisse van
zijnen Ooste/

Mochten die van Granade(die hy soo wreedelijck bouen Tractate/
eer ende eedt heeft vermoort/ als hy ons geerne doen soude) verrysen/
sy soudon ons niet leuendighere reden wel raden dat wy ons niet hem
te betrouwen niet en soudon laten bedrieghen / maer dat wy ons wijs-
selijck ende voorzichtigelijck soudon wachten van onse hoofden soo goe-
den coop te geuen.

Maer hare bedeckte vrienden (die helas wat te veel onder ons ver-
keeren)sullen segghen dat de voorszeyde goede Luyden nu al doot zyn.
T'is waer/dese knechten zyn doot / maer den meester leeft noch / ende
werckt noch euen dapper totten seluen eynde/maer met eē ander han-
delinghe/ die hy meynt hem voordelijcker te wesen. Want nae dat hy
eenighe Jaren ghetracht heeft met wreedtheit te verflaghen een na-
tie die den Spaegniaert vooz Verckens acht / als geen hart hebben-
de/ende siende dat hy ouermidts onse stantvasticheit met die maniere
van des wepnich vorderde/ heeft goet gheuonden de sachtmoedicheit
vanden siecken Leeus te contrefeyten / ende de dieren met soeticheit
tot hem te nooden/ niet om hen meer te sparen/maer om t' meeste ghe-
make.

Maer toe hem seer wel dient den persoon van den Prince van Par-
me/omme dese personaige wel te spelen/ ende den eenuoudighen d'oo-
ghen te verbinden door een geueynsde goedertierenheyt en schijn van
sachtmoedicheit/ met welke deuchden desen goeden Prince daeren-
tusschen alomme grootelijck wordt verheue. Godt gheue oock dat hy
fulcx inder waerheyt sy/ maer ick en cang niet wel gheloouen / weten-
de dat het spreekwoort te seer wel bysonder by den Italianen wordt
ghepractiseert: Die niet en can veynsen, die en can niet regeeren. Maer toe Don
Jan mede last heeft ghehad/maer door zijne ionghe Spaensche hef-
ticheit niet connen wtuoeren.

Maer waer toe dient dit?omme ons den Italiaenschē aert te leeren
kennen/ofte om dit te ontleeren? Hebben wy niet binnen Antwerpen
ghesien dat eenen Simon Turcq Italiaensch coopman hem vele Ja-
ren met vele beleeftheden valschelijck heeft geueynst te zyn een vriend
van Jeronimo Theodati/en middelertijt te staē nae zyn leuen/t welck
hy hem ten lesten moordadelijck benam / om te waken een questie die
tusschen

tuffchen hem ouerlanghe was versoent?

Ende daer nae dat eenen anderen een ionghe Dochter de schoonste der seluer stede / ende van treffelijcken huyse vele Jaren met groote moepten eerst ter oneere / en daer na so t'schee ter eerē heeft veruolcht / met de gheuepnsheyt van een sonderlinghe Liefde / ende dat hy den derden dach van de bruploft is heymelijck gherepst nae Italien / haer trouwelooselijck verlatende.

Indien een Italiaensch roopman van dat ambacht alsulcken meester is / wat verwachten wy vande Italiaensche Princen / die geen ander handelinghe opt hebben gheleert dan veynsen?

Daer in desen alle andere moet te bouen gaen / dewijle de ghelegentheyt vande sake sulcx van hem vereyscht / den last van zynen meester hem sulcx ghebet / ende dat zyne natuere daer toe is genegen meer dan andere Italianen / als zijnde van Pauselijcken afcomste.

Stetmen niet dat de Vygers hoe gemelijck / gnoezich ende onlustich dat sy wter natueren zijn / niettemin so lange sy eenighe jonghe dochter veruolgen / hen gelaten de beleefste / lustichste ende ghedienstichste die men soude vinden? sonder hen te ontdecken / eer sy tot haren wille zijn ghecomen: Weynen wy dat de Princen niet soo gheleert en zijn in haren handel? Nicolaes Machiavel / het compas vande Italiaensche Princen / leert hen dit booz den nootelijcksten streeck / seggende dat sy aen beyde zyden euen wel ter handt moeten wesen / te weten om een gedaente van saechtmoedicheyt / ghetrouwicheyt ende bermherticheyt te houden / ende oock om t'blat te keeren / als haer boozdeel sulcx ghebraccht / dat is: dat sy oock alsoo wel moeten connen de weetheyt / ontrouwe en onghenade / ende dat sy niet van noode hebben deuchdelijck te wesen / als sy maer sulcx schijnen. Het xvij. Capittel van zijn boecken gheintituleert Den Prince / is vol van dusdanige goede leeringen: twelck ick wensche dat op alle de poorten vande steden der Nederlanden ware gheschreuen / met het spreekwoort dat den Italiaen meest ghebruycht / Betrouwt niet, ghy en sult niet bedrogen worden: ofte vele eer twelck hy den onsen met meerder eeren wort ghebruycht / Weest ghetrou, eade betrouwt niemant.

Maer de gene die opten Spaenschen leeft schoenen / spotten noch so onbeschaemdelijck met ons / dat sy deruen seggen: dat alle mistrouwē moet gheweert worden / omme tot eenen goeden Daps te comen / ende datmen ons conditien sal gunnen / daer mede wy reden souden hebben omme verskerct te zijn.

Ich bidde v segt wy / Hoe macht bestaen betrouwen ende goede verskertheyt te nemen? Want indien wy betrouwen willen / so en behoeuen wy gheen verskertheyt: ofte indien men ons goede verskertheyt wil

wil geuen / soo en behoeden wy niet te betrouwen : Ten ware datmen seggen wilde dat hy betrouwt / die een goet pant neemt dat de schult drie- mael waerdich is / oft dat hy verskert is / die een pant heeft dat maer de helft vande schult soude moghen gelden / ende de reste opt goet ghe- loone van zynen vpant stelt. Hier wt is immers claerlyck te verstaen / dat dese goede luyden ons niet halue ofte geene verskertheit op goede betrouwen gheerne saghen onder t' Gouvernement van haren goeden ghetrouwen barmhertighen Coninck / Ende dat sy ons geerne sonder thoom sagen rijden. Hebben sy dien bal wel / ic schencke hen t'partuer.

Maer den hoochsten thoone die sy singhen / is / dat den Coninck van Spaengien ons soude verskeren met bozchticht vande naburighe Princen / tot onderhoudinghe vant Tractaet.

Hier op staet te letten dat dese bozghen soudens zijn Princen / die de Roomsche Keligie hebben verworpen / oft die t'selue noch onderhouden.

Datmen sich soude vertrouwen op de bozchticht vande Princen die de Roomsche Keligie noch aen hangen / waer groote dwaesheyt : Dewyle seker is dat sy metten anderen vastelyck zijn verbonden / tot onser wtroedinge / soo haest hen daer toe eenige ghelegentheyt soude mogers verschynen. Sulcx dat t'selue niet anders is te segghen / dan datmen den Leeuw de Schapen soude betrouwen / onder de Woluen bozch- tochte.

Ende de bozchticht vande Princen die de Roomsche Keligie hebben verworpen / en tan gheen sekerheyt gheuen : Dewyle sy wel weten / oft ten minsten behooren te weten / dat het heyllich Verbont / daer vā onse partije t'hoofst is / eens meester van ons zynde / hen wel soo veel werck sal gheuen om hem seluen te defenderen / dat sy niet veel tijts soudens hebben omme te dencken op hare bozchtichte.

Ick late staen de dispute / waer wy oft pemandt van onse bozghen onsen schuldenaer soudens te rechte stellen oft (ghenomen dat hy toe onsen ende haren boozdeele waer gherondeinneert) wie de ghene soude zijn die de sententie teghens hem soude executeren ? Waerder pemandt die middel hadde omme den Coninck van Spaengien te houden / als hy qualijck wilde / het waer seer goet : Maer ick en gelooue niet datter pemandt is : Ende al wilde ick sulcx gheloouen / den Coninck van Spaengien noch zyne cloecke Predicanten die zyne macht soo groot maken / en soudens wy sulcx gheen ghestandt doen.

Maer ghenomen / dat onse bozghen machtich waren om hem den goet oorloge te maken : Soo moesten wy ons begeuen tot zyne onder- saten / opt vertrouwen onser bozchtichten : Als hy dan t'zinnen schoon- ste ons mettē ooren name / of de plaetsen verskerde daer inne hy weet alle onse defentie te bestaen / wat raet ? Sullen wy hem daerhaerden /

oft onse borghen? De borghen ghedachtaert zijnde/sullen sy hem ter-
stont een Leger van vijftich duysent mannen voort t'hoofd legghen?
oft sullen sy (om moeyten ende perijckelen te schouwen tegen den ge-
nen die hen niet en vzeest) hen laten ghenoege met eenich lach dat sy
ons sal op legghen/ Dat wy wederomme meynen te rebelleren/ dat
wy secrete conspiratien hadden ghemaect/oft wterlijck dat wy hem
niet schoon ghenoech en wilden ligghen omme ghegeeselt te worden?
Ende in allen gheualle de sake in processe staende/ ende wy midlertijt
de costen met hals en hoofd betalende/ soude ons dan de wrake die de
borghen mochten doen tot betrachtunge van hare eere/ niet connen hel-
pen dan t'suppen na de doot?

Ouer sulcx en can ick niet gheloouen dat eenighe Princen/ die de val-
scheit ende wzeetheit onser teghenpartije bekent zijn/sich soud en so verre
willen laten misleiden/ dat sy in sulcker boughen in hare beschermensse
souden nemen het onnosel bloet van desen onschuldighen verdrukten
volcke/welck in haer macht niet en soude wesen te behoude/oft hare scha-
de te doen repareren/ Ende dat sy daeromme hare consciencien ende eere
niet en sullen willen stellen in alsulcken pericle/alwaert oock dat sy daer
toe versocht werden: De welcke by de Natommelingen ten eeuwighen
daghe grootelijck bebleekt soude bliuen: Want van alsulcken schijn van
Vrede en can niet anders van een tragedie ghespeelt worden/ dat is/ een
vrijelijck begin/ende een verdrietich/ ellendich eynde.

Hier van is een merckelijck exempel in Ferdinando/ d'eerste van den
huyse van Arragon/ Coninck van Naples/ d'welcke niet en heeft naeghe-
laten de Edeluyden van zijnen Rijcke/ die teghen hem opgestaen hadden/
te doen steruen:niet tegenstaede int accoord met hem gemaect/verschep-
den Princen borghen waren gheworden.

Ende de borghen en thoonden noyt in eenigher manieren/ dat hen de
borchtchte ter herten giuck/ nae dat t'middel van de sake te rechten hen
was benomen.

Alsinen oock bemercken wil/ dat den Paus van Roomen ouer soo veel
Jaren heeft gheercommuniceert alle de Princen van zijne Religie niet
zijnde/ende hare heerschappghen tot roof ghegeuen. Ende dat den Spaen-
schen hoochmoet hen ouer sulcx niet alleen is dreggende/maer oock arbep-
dende/om hen te brenghen onder de Spaensche Monarchie/ die hem soo
hooch int herte seyt: Wat versekerheyt soude ons dan connen gheuen de
borchtchte van de gene die de Roomsche Religie hebben verwoyden?
Ende bouen dien/ en ghelooue ick niet/ dat pemandt onder borchtchte
by den Leen soude willen te gaste gaen.

Ende te willen seggen dat den Coninck van Spaengien eenighe merck-
elijcke somme van penninghen erghens soude inden derden handt stel-
len tot versekeringhe van het tractaet: is te seer slecht. Want soo veel
gelts en

gelts en soude hy niet moghen conſigneren / of hy en soude thien male ſo
vele van deſe Landen in corren tijden wtperſſen. Hier by gheuorcht dat
een ſeer magere verſekerheyt is / datmen hem soude laten voorſtaen dat
den Coninck van Spaengien ſich omt' verlies van een ſomme geldts sou-
de onthouden van de luſt zijnder waerckagiericheyt te boeten / ouer den
genen van de welcken hy ſoo ouerdzagheſch verſtaet gheimuricert te
zyn / byſonder bemerckende dat peder particulier hem t'pergckel van hyn-
ende goet dickwils niet en ontfiet / om hem te wreken van de genen die hy
verſtaet hem in zyn eere gherrenckt te hebben.

Omme voorts niet te vergheten / dat tot voorde l van hare Spaenſche
factien ende rupne van den ſtaet deſer landen soude moghen dieſen / ende
by de ghemeente aenghenaein wesen / die hen metten wterlycken ſchyn
gheerne laet parpen / comen noch voorſtellen / datmen door den Kays
ontlaſt soude zyn vande contributien die hy ſeggen ſoo groot te zyn / dat de
ſelue de ghemeente ondragheſch zyn / in alien ſchyn / ofmen alſdan een
goude Werelt soude hebbe / meynende alſo ons den hynnich om de monde
ſmeerende / te leyden in de ſwaerſte ellende ende miſerie / ende op hare ma-
niere wt Vageuier inde Helle.

Twaer wel een wonderlycke ſake dat den Coninck van Spaengien /
die met alſulcken hertneckighen ghewelt teghen alle recht ende redelyc-
heyt ons heeft willen belaften met een ewige ſchattinghe vanden thien-
ſten penuntick te betalen van alle goederen ende coopmanſchappen die in
deſen Landen ſouden vercocht worden / zijnde het eenich middel omme
allen den Coophandel ten ewighen daghe wt den Landen te verby-
uen / ende den gantschen ryckdomme tot hem te trekken / een dinghen dick-
wils thienmael moeten betalen / ende ten tijde als hy ſeer weynich was
vergramt ten opſiene van tgenet zedert is ghebeurt / dat hy nu alle occa-
ſien der werelt (ſoo hy ſeyt) ontfanghen hebbende om ons qualijck te han-
delen / ons soude vyl laten van alle ſchattinghen ende contributien. Want
hoe wel ſommighe gheloouen / dat de hoeren door leet ende ſlaghen lieflic-
ker ende handtsamer worden / ſo en ghelooue ick nochtans sulcx van geen
Princen.

Ende heeft hy aldoen niet connen beweecht worden door eenich ver-
tooch vande bederffeniſſe der Landen / die daer wt ſekerlyck moeſte vol-
ghen / legghende alleen door redene / sulcx te wesen den wille des Coninck /
noch door de allegatien van rechten / vryheden ende priuilegien vanden
Landen / die men ſeyde alleen te beſtaen in de wille des Coninck.

Znder boeghen dat de Ghecommitteerde vande Prouintien tot dien
eynde gheſonden aen den Coninck in Spaengien ghenen beteren ſpoet op
hare wedercompſte ſouden ghehadt hebben / dan den Marquis van Ber-
ghen ende herre van Montigny / ten ware hy wel te paſſe goeden wint had-
den ghetregen / door de tijdinge die den Coninck ontfing / dat meelt alle de
ſteden van Hollandt ende Zeelandt de wapenen hadden aenghenomen /

ende van het innemen vande Steden van Bergen in Henegoutte ende Valencija: Waer door oock den Hertoge van Alue ghedwongen werdte inde schee te houden t' sweert dat hy half ghetrocken hadde omme te doen steruen de voornaemste vande magistraet ende borgherye van Brussel/omme den anderen een vzeese te aeniaghen.

Indien oock den Heere Marquys ende van Montigni haer leuen hebben verlozen door dien men verstant Crimen lesa Maiestatis te wesen de ouerleueringhe van een Requesste / streckende tot zynen ende der landen dienste / Ende dat om ghelycke soylake de Ghedeputeerde in Spaengien de Borgherye van Brussel ende alle andere die hen int minste gheopposeert hadden / hen souden gheuolcht hebben: Soo laet ick eenen pghelyck bedencken/waer mede wy volstaen souden / indien men (t'welck Godt verboede) ons meester ware/of sy pемant souden laten leuen van de ghene die de heeren Spaengaerden t'haren dienste souden noodich achten / ende of wel pemandt soude mogen legghen dit of dat zyn eyghen te wesen / meer van de arme Indianen/ daer niemant yet eyghens is besittende/ Iae zyn vrouwe ende kinderen voor haren lust niet en moghen beschermen / van den welcken sy nochtans noyt eenich leedt hebben ontfanghen. Icker wel pемant die ons (die sy voor de booste menschen der aerden houden) yet beters soude connen toeschrijven / indient met Tractaet of wapenen so verre mochten comen/ dat de sake stont aen hare goede discretie.

Soude dit de erffnisse onser Raecomelinghen wesen / in de plaetse van de sonderlinghe byshept die wy van onse voorouders hebben gheerft/ dat van niemants (oock des minsten) persoon ende goederen niet en mach worden yet ghedisponeert/ dan by Justicie t'welck sy in groter eere en waerdicheyt altydt onuerbryckelijck hebben behouden / niet teghenstaende wy sien dat meest onser alle andere natien van de werelt t'gen een volck wert veracht/en van de machtichsten gheweldichlijck ghehandelt.

Hieromme moetmē verstaen dat wy niet alleē schuldich zyn dese Contributien (die wy toch niet onsen eyghen consente geuen / ende niet dan rosen en zyn te ghelykenen by de doornen der tyranne) gehouden zyn voor ons ende onse Raecomelinghen ghewillichlijck ende niet goeder herten te verstrecken / maer oock ons leuen / als wy die willen wegghen teghen t'gene ons soude overcomen/ in ons bypandis macht zynde.

Maer t'besten van allen is / dat sy segghen / Dat het de Staten vande Prouincien souden wesen/die niet ons tracteren sullen dat wy souden behouden d'exercitie van de Religie/ dat t'vzeemde Crichvolck vertracken soude: Ende dat wy daeromme niet en souden hebben te vzeen. Indien sy mette voorgaende rebenen ons bespotten / voorwaer sy dencken ons niet dese blint ende doof te maken.

Wat hebben wy van de Staten van de voornoemde Prouincien te verwachten? sullen sy hen schepden van des Conincs authoriteyt? sullen sy hem
den

den thoom inden mont werpen om ons te beschermen / Den verblaghen
Marquys van Spisbroutk soude hier van moghen ghetuygen / leggende /
Dat sy liever alle voor den Dupuel souden varen / dan dat sy geē meesters
van ons allen souden werden.

Wy weten dat sy met dier gelijche aen de principaelste stede van Vlaen-
deren int net hebben ghebocht. Ende insonderheyt is aen die van Gende
ghelonden gheweest de heere van Manup / die men dede ghebruycken den
naem vande Staten van Venegouwwe / Arthois / ende andere Provincien /
met seer schoone woorden / in allen schijne of de Staten verstaen hadden /
datmen hen het exercitie vande Religie soude laten ghenieten.

Maer een wepnich tijds daer nae / als men verstant dat sy nu verre ghe-
noech by den ooren waren ghelept / heeft Richardot de sake by de hant ge-
nommen / ende voor t'eerste de handelinghe van den heere van Manup in
hele poincten geen gestandt doende / die hen maer om den goeden mont te
maken waren voorghestelt / heeft hen niet te min onderhouden met veel
goede hopen: En als men hem sprack vande Religie / begeerde datmen dat
Artijckel op t'leste soude houden / ende d'andere eerst afhandelen. Oyte
welcke verdraghen zijnde / ende siende dat sy nu verre ghenouch in Zee
waren / riedt hen dat ingevalle sy den Coninck ende Prince van Parme
niet en wilden offenseren / dat sy van de Religie souden swijghen / ende dat
alle voorgaende dinghen te beter souden vergeten bliuen.

Ten lesten / de Ghe-deputeerde van Gendt binnen Doornijck ghecom-
men / ende in tegenwoordicheyt van den Prince van Parme in debat van
eenighe poincten ghecommen zijnde / heeft den Prince van Parme de han-
delinghe van Richardot ghedelaupert. Daer na heeft Richardot oock
valschehijk gheloochent eenige poincten die sy ghacordeert hadde. Dit
de maniere van hare handelinghen. Ende de Stadt ouerghegeuen zijnde /
heeft men het woordt / schandale / sulcx ghererckt inde lenghte ende bzeete /
datmen seer nae alle de rigoreuse placcaten daer inne heeft begrepen.

Dies wy ons niet en hebben te laten voortstaen / dat eenighe personen
opten name vande Staten niet ons souden handelen anders dan de gene
die dubbelder en valscher zijn dan de Spaengiaerden / ende dat opte com-
missie / instructie ende mette reken vande Coninck van Spaengien / daer
van sy niet een tijtel sullen wijcken.

De ghene die ons gaerne in dese brabbelinghe saghen / laten luden / dat
Champaigne ende Richardot alreede hier toe souden zijn ghe-deputeert.
Dit zijn twee soo verre verureempt vande gunste deser landen / als den
breemsten moze van Spaengie / t'zijn twee Borgongons / dat is te seggen /
twee onbeschaemde Leugenaers / die de kennisse Godts / die sy hebben / ter
lieften van den Afgodt der wereltcher dinghen / verworpen.

Aengaende den Edeldom van derwaerts ouer / daermen groote feeste
afmaecht / dunct dat in hen de deucht ende grootmoedicheyt van hare
voorzou-

doorzouders is verschijnende? Hebben sy de manierlycke stemmicheydt/wysheyt/authoriteyt ende puer tot de bygheyt ende weluaren van de landen/die inden oprechten Edeldom vereyscht wort? of zyn sy de gene selfs die sich tot slauen begenen om t'weluaren en bygheyt van de Lande te helpen verdrucken? Indien ghy hier van t'geuoelen der Spaengiaerden hoorden / mocht v verskiert houden dooz de ghetuggenissen van hare beste vrienden.

Want de heeren die sy niet cloeck genoeg achten om tot hare saken te ghebyrcken/die segghen sy te wesen gherleede beesten/de ghene die in eenighe merckelycke saken schynen ghebyrckt te worden/noemen sy deexelen die totte secrete dobbelen diensten / alias verraderijen / hen hebben laten ghebyrcken / die houden sy oock in sulcken eeren als de ghebyrckte verraders altydt ghehouden zyn gheweest / sy en hebben oock gheen ander loon te verwachten/ende de mindere die in menichte t'hof volghen om gheaduanceert te worden tot eenighe staten/die souden (seggen sy) niet laten t'hof te belien / alwaert met coppeldzaepē/ghelgkmen oock siet / dat d'eene zinnen outsten Sone heeft ghehouwt aen een wel bekende vrientlycke Joffrou van den Houe : D'andere speelt op de Violen/dewyle de heeren Spaengiaerden ende Italianen zyn dochters onderhouden/ en de ghene die wat eerlijcker willen schynen / die doen haer Requesten ten Houe deur hare schoonste Richten presenteren / oft dooz der Spaengaerts hoeren voorderen. Wits de vromicheyt van dien Edeldom / t'welck niet vzeemt behooren te achten de ghene die van den Fare Lxxvj tot Lxxvj toe/ t'hof hebben ghekeert.

De ghene nu die te Houe eenighe recompensen ghenieten / die ontlaetmen met een briefken vande betalinghe van t'ghene sy den armen Borghers hebben afgeborcht die hen gheboeyt ende gherleet hebben: of men gheeft hen de goediten van de ghene die sich by ons vromelijck dragen/om de opgaende boomē ter haluer wassche te afhouden: dies sy by den Landtlupden Beuls der bosschen worden ghenoeimt.

Omme dan totter materie te wederkeeren / soo behooren wy altydt indachtich te wesen / als men ons met ghesupclerde redenen wil verleyden/ dat de gheblanckette hoeren altydt meest suspect zyn van porcken: Ghelijck mijn heere den Prince hoo. me. den heere van Selles wt Spaengen een vachte van ghenade des Coninx hem ouerbzengende/ tot antwoorde gaf/ dat hy daer van alte schoon sprack om te geloouen: Want ontwijfelijck hoe dat t'schoon ghelaet meerder is / hoe dat den wysen hen daer op min sal vertrouwen (bysonder in zynen vpand) na t'segghen van de Italianen.

Chi te fa piu charezza che non sole,

Tha ingannato o tingannar vole,

Dat is/

Die bouen reden v veel schoon ghelaets bethoont,

Die heeft v al int net, of hy hadde v geern ghehoont.

T'zijn twee Eplanden die hy vrydt / om die te crighen en sal hy niet laten eenige moeyten ende costen te doen / alle courtousien ende aubade te spelen / en die hebbende / op hare saken ordze te stellen dat int Neder-landt niemant daer na d'bozen sal op steken / oft na de wapenen tasten.

Dits t'eenighe middel daermee sy van ons verhoppen meesters te worden: Want men moet weten / dat den Spaengiaert de sake deser Landen soo wel verstaet / dat hy wel weet datter noch vijfentwintich steden in onsen handen zijn die hy niet gheen ghewelt mach winnen / al oorlochden hy noch vijf hondert Jaren / indien wy gheresolueert bliuen voor onse ende onser nacomelinghen vryheyt so veele te doen / als onse voorouders die ons de selue hebben achterghelaten / hebben ghedaen. Hy en hout t'partuer niet ghewonnen mette veroueringhe van eenighe Landtsteden / t'zijn de Eplanden daer hy zijn haetse wil maken / om t'spel te verskeren.

De welcke wy ontwijfelijcken hem nimmermeer sullen laten hebben / maer veel eer verwachten alsulcken eynde / als ons God almachtich gheueuen sal te gheuen: Indien wy niet met eenen dencken ons seluen ende de gantsche ghemeente te begheuen in des Deuls handen: De welcke sulcx niet en hebben verdient / als zijnde by ghetupghenisse van allen anderen de sachtmoedichste / ghetrouste / stantuaastichste Natie / ende de vzeemtste vande bloetvergietinghe die opter aerden wort gheuonden.

De ghene die niet en gheloouen dat ons alsulcken banket wort besrept / die moghen wel gheloouen de woorden van Don Jan / die gheseyt heeft: Dat den Coninck lieuer soude zijn een Heere vande aerde / boomen / beesten / bosschen / woluen / wateren ende visschen deser Landen / dan te lyden dat eenen persoon die de wapenen teghen hem ghebrazen / den rebellen aengehangen hadde / ofte int minste met ketterije besmet ware / daer inne soudent leuen / Eptelijck is zijne meyninge dat wy ende onse nacomelingē alle soudent moeten geloouen / dat den Daus een siele wten Hemel trecken / ende int diepste der hellen verwerpen / of wter hellen int schoonste des Hemels stellen soude connen / ghelijck zijne gheschzeuen rechten vermelden / oft steruen.

Indien men meynut dat dit maer woordē zijn / leest t'gene de Spaengiaerden selue hebben gheschzeuen van hare Indische handelighen / daer sy selue verhalen alleen wt haren lust / oft om sich onachtelijck te maken / vele millioenen menschen vermoort te hebben die hen noyt vergramt ofte pet misdaen hadde / op de welcke sy oock t'minste recht van heerschappye niet en hadden.

Vergelijckende die niet onse gheskeltenisse / die sy houden voor gherebelleerde onderfaten des Coninck / ketteris ende verlochende menschen / onwaerdich der menschelijcker ghemeenschap / ende totten vlesse ende sweerde gheepghent / meynende dat sy niet onsen bloede Gode dienste

diensse doen/ende niet ons laten leuen hen seluen verdoemen/wat hebben wy van hen te verwachten?

Stelt v booz ooghen den doot die den brone Graue van Eginont ende Hoozne hebben ghestrouen / alleen om dat sy den ketters niet genoegh souden hebben bedwonghen: Daer nochtans alle wijsen luden verstaen dat int stuck van de Regieringhe dickwils booz de vingeren moet worden ghesien om erger te schouwen: Ende oordeelt selfs / oft ghy niet hondert hoofden soudt hebben verbeurt als de boozs. Heeren verdient hadden het schzappen eender spelle te lyden.

Dan t'schijnt dat eenighe sich byjhept toeschijuen wilden/om dat ter veele souden moeten steruen / als oft de menichte hem soude versaden/oft de groote van t'werck doen ontsien. Dit is een groote slechticheyt. Heeft den Hertoge van Alue wel connen versaet worden met de doot van achten dupsent personen/die hy in Spaengien weder keerende rapporteerde hier te Lande booz Weuls handen te hebben doen steruen: dunckt v niet dat hy wat meer soude gedaen hebben/ hadmen sich niet de wapenen niet gheweert.

Al ist sake dat den Prince van Parme inde gheconquesteerde steden des Conincx sententie niet ter executien en stelt / ende alle daghen in elcke stadt hondert hoofden doet afhouden: Dat en wort niet opgehouden by ghebzeke van macht ofte wille/ maer om dat wy ons tegen hem niet en souden resolveren / ghelijck wy teghen den Hertoghe van Alue deden. Welck ons onuerwinnelijck soude maken / ende daer mede ware de hope te niet/vande Eplanden met practijcken te krijgen.

Maer en laet v niet boozstaen dat hy meester vande Eplanden zijnde/de rekeninghe effen soude afloopen / oft indien ghy sulcx uwe rekeninghe maecht/sectet wt uwen sinne / op dat ghy niet tweemaal en rekent/ ghelijck de ghene die sonder Weert rekenen / ende gheeft al v sinnen ernstelijck daer toe dat ghy v hoeft wel bewaert / op dat ghy niet sonder loquatur en verliest: Want te segghen alsdan / wie sout ghebache hebben/waert te laet. Ende alle de werelt soude redene hebben onse sotticheyt ende quade rekeninghe te bespotten.

Het sekerste middel van onser behoudenisse salmen beuinden te wesen/ datmen d'oozen stopt booz alsulcke speelluden / de welke alleenlijck arbeiden om onse herten te verfloutwen / twisten / tweedzachten ende scheuringhen onder ons te saepen / ende daermede haer profijt te doen. Want sy en souden niet wepnich achten wtgherecht te hebben/ indien sy ons aen t'handelen couden bzenghen: Want naet'ghemeen spreekwoort.

Als een vrouwe tot t'ghoore, end een stadt comt ter spraken.
Soo sal sy hucken, ende dese en salt niet lang maken.

Maer

Maer segghen sommighe (dooz Spaensch ingeuen) men can niet verbeuren haer propositien hoozende: Want men cant laten varen/indien wy niet voordeel ghenoech connen bedinghen/ghelyck tot Breda ende Coelen is gheschiet.

Daer teghen ick antwoorde/dat den vrouuenden Cock gemeenlyck zijn tonge verbrant. t'welck wy te Coelen t'onser schade oock zijn ghewaer gheworden: Want het is kennelyck dat t'selue heeft ghedient omme te practiseren de middelē daer mede men Arthois/ Henegouwe ende andere Quintien van ons heeft ghescheurt: Ende ghestonden noch metten besten coop/ dat wy niet meer en verloozen/ daer van de practycken noch eenen peghelyck kennelyck zijn/ die niet alleen onse vpanden/maer oock de ghene die wy betrouden/hebben ghebesicht.

Gheduyzende het Tractaet van Breda/ stondt mijn heer den Prince hoo. me. aen t'roer/ ende bestierde het Schip soo wysselyck dat de sake in goede versekertheit wert ghehouden: Hoewel nochtans vele gheboonen/ dat wy aldaer noch niet sonder schade afquamen/maer dese sake is seer merckelyck.

Ende omme te besluyten bidde ick eenen pegelyck die eenich oordeel of voorzichtigheyt is hebbende/ dat hy zijne vpant kenne/ende sich seluen dese poincten altyt dooz oogen houdende/ tot dat hy wel versekeret sy dat den Coninck met zijne Spaengiaerden ende ghespaengaerde gheuolch die sullen ganschelyck vergeten hebben.

De vvapeninghe teghen den Coninck,

De veranderinghe vande Religie,

De afsvveeringhe des Coninx,

De handelinghen met andere Princen.

Niet te min hebbende een rechtueerdighe sake (want gheen rechtuerdiger can gheuonden worden/dan teghen gheweldt te ghebypcken nootlycke defensie) die wy ghesien hebben/ ende noch daghelycx sien dat Godt almachtich soo merckelyck byten alle menschelycke hope is helpende/ en daer en bouen dooz zijne ghenade ons daer toe in handen gestelt zynde soo sehoone middelen/ soo en behooren wy van onse behoudenisse oock niet te wanhopen.

T'welck hoe wel ick achte my niet toe te staen alhier int clepne te handelen: Soo can ick nochtans wel so veel segghen/ dat midts bewarende vpf ofte ses aencompsten deser Landen met goede versekerheyt ende toesichte/ende met versekerde personen die met ons hebben te winnen ende verliesen: Soo salmen den vpant wel lichtelyck beletten den voorderē inual. Wy en acht ons soo clepne/ noch oock zijne winste soo groot niet/ als wy selue.

Wp selue. Ende Godt almachtich heeft ons verlost / als wp meynen in
meerder swaricheyt te wesen van dese.

Maer onse scheuringhe ware ons gantsch doodtlijck / ende is t'eenighe
middel daer op hy verhoeyt / daer door wp ons in alle manieren moeten
wachten / ende sozchuldelyck wapenen met vaste ende goede eenicheyt/
onse passien aen d'een zijde stellende / ende alle wrockerijen die wp teghen
den anderen int herte mochten hebben verteerende / op dat wp niet door
ons eyghen ghebreck den vbandt den wech openen / ende onse Raecom-
melinghen bereyden een ellendighe erffenisse van ewighe slavernije / der
welcker bloet ons inder ewichheid door Godt almachtich soude be-
claghen/dat wp de vyphedyt van onse Voorouders (met verbintenisse van
niet te verbreemden) naghelaten/hemlieden door slauerticheyt ende sotte
onuoorsichticheydt hadden vermangelt teghen een onuerdraechelycke en
ewighe slavernije aen ziel ende lichame.

Een vyphedyt segghe ick / die tzedert den tijdt van xvc. Jaren noyt mee
slavernije van wttheemische natien is belast gheweest. Twelck wepnich
natien van de werelt souden moghen segghen.

De welcke ons Voorouders met alsulcke sozchuldicheydt/grootmoed-
dicheyt ende stantvasticheyt hebben voorgestaen teghen alle de Princen
van desen Landen/als de groote meenichte der exempelen bewysen / ende
onder andere dat desen Coninck van Spaengien inden Jare xvc.lix. van
de generale Staten deser Landen met geene middelen van schoone belof-
ten oft grimmelijck ghelaet heeft moghen vercrighen / dat vijfhondert
Spaengaerden in desen Landen nae zijn vertreck nae Spaengien sou-
den bliuen: Daer van hy alsulcken haet heeft ontfanghen / dat t'selue in-
den Jare lxxvij/den Graue van Egmont/ en meer treffelijcke personen/
die opte voorsepde vergaderinghe van de generale Staten van flandts
weghen waren ghebruyckt / den meelten last heeft ghedaen om t'hoofte te
verliesen.

De exempelen van de voorsede dinghen behooren ons sulcx te onder-
wijsen / dat wp wijser moghen zijn dan de ghene die de toecomende sa-
ken metter ellen van hare newswijshedyt willen meten / wetende dat niet
een haer van onsen hoofde sonder de ghehengenisse Godts sal worden ge-
crencht/ende dat hy meester is / ende int minste niet toestaet t'voornemen
vanden ghenen die mit groot onrecht aenghenomen hebben ons te ver-
moorden: Dit wordt int midden van ons ghetuycht door de vrome steden
van Alckmaer ende Lepden / ende door ons allen die ghesien hebben dat
Godt almachtich t'berlies van Zierzee (twelck wp ghenoech achten te
wesen t'middel van onsen sekeren onderganck) heeft verandert tot een mid-
del onser alder verlossinghe: De selue Godt leeft / hy en heeft onse (oft wel
eer/zijne sake) niet duylanghe voorgestaen om ten lesten die te verlaten/
hy en doet geen stuckwerck/maer t'ghene dat hy begint dat voert hy se-
kerlijcken

kerlijcken wt. Waeromme en sullen wy ons in hem niet betrouwen ende
versekert houden?

Te meer soo wy altydt ghesien hebben dat de gene die sich op menschen
versekerden zijn gheuallen / als de ghene die op een riet steunden : Ende
bedenckt v wel / ghy sult beuinden / dat wy den meesten afbreuck hebben
gheleden dooz dien wy op menschen meer verhoopt / vertroudt ende ghe-
staen hebben / dan op Godt almachtich.

Hieromme laet ons zijne ghenade aenroepen / ende betrouwen met
gantscher herten / sonder murmuratie van hem onse verlossinge verwach-
tende tot zijns naems eere : Ende zijt verskert (als van t'ghene dat ghy
booz uwen ooghen siet) dat hy de gene die den onnoselen verdrukken / en
zijn woordt soecken te wtroeden / sullen eenen val doen tot onser verlossin-
ghe / daer van sy nummermeer sullen opstaen / ende dat hy ons ende onse
Nacomelinghen sal gheuen ende beuestighen de erffenisse zijns woordts /
ende onser vryheyt.

¶ ¶ ¶ ¶ ¶

Bestenfalls 1000000

Alles hebben dan op de oetmoechtheid.

1. Die erste Aufgabe ist die, die in der ersten
 2. Die zweite Aufgabe ist die, die in der zweiten
 3. Die dritte Aufgabe ist die, die in der dritten
 4. Die vierte Aufgabe ist die, die in der vierten
 5. Die fünfte Aufgabe ist die, die in der fünften
 6. Die sechste Aufgabe ist die, die in der sechsten
 7. Die siebte Aufgabe ist die, die in der siebten
 8. Die achte Aufgabe ist die, die in der achten
 9. Die neunte Aufgabe ist die, die in der neunten
 10. Die zehnte Aufgabe ist die, die in der zehnten

1892

F584
V. 513n.

